



ШИНЭ НАМД

**БАЯНХОНГОР АЙМАГ ДАХЬ
ТӨРИЙН АУДИТЫН ГАЗАР**

310 дугаар байр, Лувсанданзанжанцангийн
өргөн чөлөө 3 дугаар гудамж, Номгон 1 дүгээр баг,
Баянхонгор сум, Баянхонгор аймаг, 64101
Утас: (976) 70442584

Цахим шуудан: procurement_bayankhongor@audit.gov.mn

2024.07.09 № 1/426

танай _____-ны № _____-т

Хандивын тайлангийн дүгнэлт

Аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуульд оролцох Шинэ Намаас ирүүлсэн хандивын тайланг Төрийн аудитын тухай Хуулиар тодорхойлсон Төрийн Аудитын байгууллагын бүрэн эрхийн хүрээнд хянан баталгаажуулж, дүгнэлт гаргалаа.

Үүрэг хариуцлагын талаарх мэдээлэл

Аймаг, нийслэл, сум, дүүргийн иргэдийн Төлөөлөгчдийн Хурлын 2024 оны ээлжит сонгуульд оролцох Шинэ Нам нь Аймаг, нийслэл, сум дүүргийн иргэдийн Төлөөлөгчдийн Хурлын сонгуулийн тухай хуулийн 25 дугаар зүйлийн 25.3.6, 25.4.6-д заасны дагуу иргэн, хуулийн этгээдээс өгсөн хандивын тайлангаа мөн хуулийн 37 дугаар зүйлийн 37.7-д заасны дагуу Төрийн аудитын орон нутаг дахь салбар байгууллагад хүргүүлж, дүгнэлт гаргуулах үүргийг хүлээнэ.

Хандивыг Нягтлан бодох бүртгэлийн олон улсын стандарт, Нягтлан бодох бүртгэлийн тухай хуулийн 5 дугаар зүйлийн 5.1.4, мөн хуулийн 16 дугаар зүйл, Сангийн сайдын 2017 оны 386 дугаар тушаалаар батлагдсан санхүүгийн тайлангийн маягт, зааврын дагуу бэлтгэсэн санхүүгийн тайландаа тусгах үүргийг улс төрийн нам хүлээнэ.

Аймаг, нийслэл дэх Төрийн аудитын газар нь Төрийн аудитын тухай хууль болон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуульд заасны дагуу сонгуульд оролцох улс төрийн нам, эвсэлд иргэн, хуулийн этгээдээс өгсөн хандивын тайланг хянан баталгаажуулж, дүгнэлт гаргана.

Намаас дүгнэлт гаргуулахаар ирүүлсэн хандивын тайланд тусгагдаагүй хандивыг хянан баталгаажуулахгүй бөгөөд түүнээс үүсэх үр дагавар, хариуцлагыг Төрийн аудитын орон нутаг дахь салбар байгууллага хүлээхгүй болно.

Дүгнэлтийн үндэслэл

Аймаг, нийслэл дэх төрийн аудитын газар Аймаг, нийслэл, сум, дүүргийн иргэдийн Төлөөлөгчдийн Хурлын ээлжит ээлжит сонгуульд оролцох Шинэ Намд иргэн, хуулийн этгээдээс өгсөн хандивын тайланг Аудитын дээд байгууллагуудын Олон улсын стандарт, Монгол Улсын Ерөнхий аудиторын 2024 оны А/49 тоот тушаалаар батлагдсан зааврыг баримтлан Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 55 дугаар зүйлийн 55.1.1, 55.1.2, 55.1.3, 55.1.4, 55.1.5, 55.1.6, 55.1.7-д нийцэж буй эсэхийг дэмжих нотлох баримт, дүн дүгнэлтийн үндсэн дээр хянан баталгаажуулж, дүгнэлт гаргасан болно.

5020483

Дүгнэлт

Шинэ Нам нь ээлжит сонгуулийн жилийн 06 дугаар сарын 01-ний өдрөөс өмнөх жилийн 01 дүгээр сарын 01-ний өдрийг хүртэл хугацаанд иргэн хуулийн этгээдээс хандивын тайланд хандив аваагүй талаар ирүүлсэн нь баримтаар нотлогдож байна.

БАЯНХОНГОР АЙМАГ ДАХЬ
ТӨРИЙН АУДИТЫН ГАЗРЫН ДАРГА,
ТЭРГҮҮЛЭХ АУДИТОР

A handwritten signature in black ink is written over a red rectangular official stamp. The stamp contains Mongolian text and a central emblem. The signature is a stylized cursive script.

Б.МӨНХБАТ



**БАЯНХОНГОР АЙМАГ ДАХЬ
ТӨРИЙН АУДИТЫН ГАЗАР**

310 дугаар байр, Лувсанданзанжанцангийн
өргөн чөлөө 3 дугаар гудамж, Номгон 1 дүгээр баг,
Баянхонгор сум, Баянхонгор аймаг, 64101
Утас: (976) 70442584

Цахим шуудан: procurement.bayankhongor@audit.gov.mn

2024.07.30 № 1/446

танай _____-ны № _____-т

Сонгуулийн мөрийн хөтөлбөр хуульд
заасан шаардлагад нийцсэн талаарх
дүгнэлт

БАЯНХОНГОР АЙМАГ, СУМЫН
ИРГЭДИЙН ТӨЛӨӨЛӨГЧДИЙН ХУРЛЫН
2024 ОНЫ ЭЭЛЖИТ СОНГУУЛЬД
ОРОЛЦОХ ШИНЭ НАМД

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5 дугаар зүйлийн 5.4-т заасан Баянхонгор аймаг дахь Төрийн аудитын газрын бүрэн эрхийн хүрээнд аймаг, сумын иргэдийн Төлөөлөгчдийн Хурлын 2024 оны ээлжит сонгуульд оролцох “Шинэ нам”-ын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Аймаг, сумын иргэдийн Төлөөлөгчдийн Хурлын 2024 оны ээлжит сонгуульд оролцох нам нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон “Алсын хараа-2050” Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь Аймаг, сумын иргэдийн Төлөөлөгчдийн Хурлын 2024 оны ээлжит сонгуульд оролцох намын сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Төрийн аудит. Тулгуур зарчим, Төрийн аудит MNS 6817-6:2020 Төрийн аудит. Нийцлийн аудитын зарчим, Төрийн аудит MNS 6817-8:2020 Төрийн аудит. Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, “Алсын хараа-2050” Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-

5029523

2026 оны төсвийн төсөөллийн тухай хууль, холбогдох бусад байгууллагаас авсан тайлан, судалгаа, мэдээллийг тус тус шалгуур болгон авч үзсэн.

Дүгнэлт

“Шинэ нам”-ын Баянхонгор аймаг, сумын иргэдийн Төлөөлөгчдийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрийн зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого, төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

“Шинэ нам”-ын мөрийн хөтөлбөр (.....⁹ хуудас)-ийг хавсаргав.

Хувийг: “Шинэ нам”-д

Хувийг: Баянхонгор аймгийн Сонгуулийн хороонд

Хавсралт ...⁹ хуудастай.

ДАРГА, ТЭРГҮҮЛЭХ
АУДИТОР

Б.МӨНХБАТ

ХЯНАСАН:
АУДИТЫН МЕНЕЖЕР

М.АЛТАНТУЯА

БОЛОВСРУУДСАН:
АХЛАХ АУДИТОР

Б.ДОЛЖМАА

АУДИТОР

Н.БАТЧИМЭГ

АУДИТОР

Д.ЦЭДЭВЦЭВЭЭН

---000---



“ШИНЭ СОНГОЛТ-ШИНЭ МОНГОЛ”

Аймаг, нийслэл, сум, дүүргийн ИТХ-ийн
хурлын сонгуулийн
мөрийн хөтөлбөр - 2024

/ БАЯНХОНГОР АЙМАГ /

Улаанбаатар хот 2024 он

MA
H. K
0000001
3000



ГАРЧИГ

1. НУТГИЙН ӨӨРӨӨ УДИРДАХ ЁСНЫ ЗАРЧМЫГ БЭХЖҮҮЛНЭ
2. БАЯЛАГИЙН ӨГӨӨЖИЙГ МОНГОЛ ХҮН ХҮРТЭНЭ
3. АЖ ҮЙЛДВЭРИЙН ХУВЬСГАЛ
4. МАЛ АЖ АХУЙ- ГАЗАР ТАРИАЛАН
5. БҮСЧИЛСЭН ХӨГЖИЛ-АЯЛАЛ ЖУУЛЧЛАЛ
6. МОНГОЛ ТӨРИЙН ҮНДЭС – ХҮЧИРХЭГ МОНГОЛ ГЭР БҮЛ
7. ХӨГЖЛИЙН БЭРХШЭЭЛТЭЙ ИРГЭДИЙН ЭРХИЙГ ХАМГААЛАХ
8. ҮНДЭСНИЙ ЭРХ АШИГ, ОЮУН САНААНЫ СЭРГЭЛТ
9. ОРОН НУТГИЙН ХӨГЖЛИЙН БОДЛОГО



Handwritten signature

Handwritten signature
Handwritten signature

0000002



УДИРДТГАЛ



Улс эх орон эзэнтэй байх тулгуур үндэс нь ард иргэдийн ахуй амьдралын таатай орчин хэр зэрэг бүрдсэн байна, таатай амьдрах нөхцөл бүрдүүлэх эдийн засгийн боломж бололцоог төр засгаас хэрхэн хангаж байгаа байдал нь шийдвэрлэх ач холбогдолтой байсаар ирсэн.

Улс орны хөгжил гэдэг нь улстөрийн талцал хуваагдал, орон нутгийн явцуу эрх ашгаас илүүтэйгээр үндэсний эрх ашгийг дээгүүр тавьж, нутаг дэвсгэрийн төлөвлөлт, хөгжлийн асуудлыг цогцоор авч үзэн бүс нутаг бүрийн нөөц, чадавхыг нийтлэг эрх ашгийн төлөө оновчтой ашиглах, аймаг, нийслэл, сум, хорооны хоорондын харилцан хамаарал, хамтын ажиллагааны механизмыг үр дүнтэй ашиглах, байгалийн баялагийг үр шим, өгөөжийг бодитоор хүртдэг болох нь хүн амын шилжилт хөдөлгөөний эерэг, сөрөг үр дагавртай шууд хамааралтай.

Үндсэн хуулийн 3.1 “Засгийн бүх эрх ард түмний мэдэлд байна” гэсэн зарчмыг аймаг, нийслэл, орон нутгийн хэмжээнд бүрэн хэрэгжүүлж цомхон, хязгаарлагдмал, хариуцлагатай, ардчилсан, нийгэмд тэгш үйлчилдэг засаглалыг бий болгож иргэд нь өөрсдөө хийж чадах ажлыг орон нутгийн түвшинд өөрсдөө шийддэг, аймаг, нийслэл, сум хорооны хөгжлийг төр засгийн хязгаарлагдмал оролцоотойгоор хэрэгжүүлнэ.

Орон нутгийн хэмжээнд улстөрийн намын бүтэц ажиллахыг хязгаарлан, төрийн алба, ард иргэд нь намаар талцдаг байдлыг зогсоож, авлигыг устган, сум хороондоо сайхан амьдрах нөхцлийг бүрдүүлнэ.

Сум хороонд эдийн засгийн эрх чөлөөг олгосноор арилжаа худалдаа, аялал жуулчлал, үйлдвэрлэл, үйлчилгээний салбарын хөгжил цэцэглэх, орон нутгийн бүтээн байгуулалтад нутгийн иргэд, ААН давуу байдалтай оролцдог байх боломжийг нээж өгснөөр орон нутаг эзэнтэй байх нөхцлийг бүрдүүлнэ. Эдгээр зорилгыг хэрэгжүүлэхийн тулд 2024 оны аймаг, нийслэл, сум, дүүргийн иргэдийн хурлын төлөөлөгчдийн сонгуулийн мөрийн хөтөлбөрийг дэвшүүлж байна.


0000003




1. НУТГИЙН ӨӨРӨӨ УДИРДАХ ЁСНЫ ЗАРЧМЫГ БЭХЖҮҮЛНЭ

Хүний жам ёсны эрх болсон амьд явах, эрх чөлөөтэй байх, өмчлөх эрхийг эрхэмлэн дээдэлсэн, иргэдийн оролцоотой, цомхон, хяналттай, хариуцлагатай нутгийн өөрөө удирдах ёсны зарчмыг бэхжүүлнэ. Орон нутгийн чанартай аливаа ажлыг нутгийн иргэдийн санал, шийдвэрийн дагуу өөрсдөө хийж чадах бүхнийг нутгийн иргэд, аж ахуйн нэгжүүд гүйцэтгэн хийдэг байх эрх мэдлийг олгоно.

2. БАЯЛАГИЙН ӨГӨӨЖИЙГ МОНГОЛ ХҮН ХҮРТЭНЭ

Стратегийн ордод тооцогдсоноос бусад орон нутгийн чанартай эрдэс түүхий эд, байгалийн баялаг, ордыг ашиглах, олборлох. бусдад ашиглуулах эрхийг тухайн орон нутгийн иргэдийн олонхийн саналаар шийдвэрлэж байх эрх мэдлийг орон нутгийн иргэдэд олгоно.

3. АЖ ҮЙЛДВЭРИЙН ХУВЬСГАЛ

Байгалийн баялаг, эрдэс түүхий эд, мал, малын гаралтай бүтээгдэхүүн, тэдгээрийн боловсруулалт, үйлдвэрлэл, газар тариалан, эрдэм мэдлэг, оюун ухаанд суурилсан бүтээгдэхүүн үйлдвэрлэл үйлчилгээнд төрөөс үзүүлэх дэмжлэгийг нэмэгдүүлж, хиймэл оюун ухаан, техник технологийн дэвшил ашигласан, орон нутагт ажлын байр, ажилчдын цалин хөлс нэмэгдүүлэх, иргэдийн шилжилт хөдөлгөөнийг сааруулсан аж үйлдвэржилтийг бүхий л талаараа дэмжинэ.

4. МАЛ АЖ АХУЙ- ГАЗАР ТАРИАЛАН

Мал аж ахуйн талаар төрөөс баримтлах бодлогыг дэмжин ажиллах, малын гаралтай бүтээгдэхүүн болох мах, сүү, цагаан идээ боловсруулах нэмүү өртөг шингэсэн бүтээгдэхүүн үйлдвэрлэлийг дэмжих, газар тариаланг хөгжүүлэхэд зайлшгүй шаардлагатай услагааны системийг нэмэгдүүлнэ.

5. БҮСЧИЛСЭН ХӨГЖИЛ-АЯЛАЛ ЖУУЛЧЛАЛ

Монгол улсын түүх, соёл, үндэсний өв уламжлал, нүүдэлчин ахуйн ёс заншил, байгалийн үзэсгэлэнт газруудыг гадаад дотоодын жуулчдад таниулах, дөрвөн улирлын аялал жуулчлалыг Алтайн бүс, баруун бүс, хангайн бүс, төвийн бүсийн онцлогт тохируулан хөгжүүлэхэд бүс хоорондын уялдаа холбоо, хамтын ажиллагааг сайжруулна.

6. МОНГОЛ ТӨРИЙН ҮНДЭС – ХҮЧИРХЭГ МОНГОЛ ГЭР БҮЛ

Төр улсын үндэс - монгол өрх,гэр бүлийг ирээдүйдээ итгэлтэй,амар амгалан амьдрах нөхцөлийг бүрдүүлэх зорилгоор иргэн бүрийг эрүүл мэнд, боловсрол, нийгмийн хамгааллын чанартай, хүртээмжтэй үйлчилгээнд хамруулна. Хүүхэд бүрт чанартай, тэгш, хүртээмжтэй боловсролыг олгохын тулд багш нарын чадавх, цалин хангамжийг сайжруулан “Хамгийн сайн сургууль бол гэртээ хамгийн ойр сургууль” хөтөлбөр хэрэгжүүлнэ.

7. ХӨГЖЛИЙН БЭРХШЭЭЛТЭЙ ИРГЭДИЙН ЭРХИЙГ ХАМГААЛАХ

Хөгжлийн бэрхшээлтэй иргэдийн нийгэмд эзлэх байр суурийг нэмэгдүүлэх, тэдэнд үзүүлэх нийгэм, эрүүл мэндийн үйлчилгээг сайжрууна

8. ҮНДЭСНИЙ ЭРХ АШИГ, ОЮУН САНААНЫ СЭРГЭЛТ

Үндэсний өв уламжлал, ёс заншил, түүхэнд шингэсэн мэдлэгээ хүүхэд залуус, хойч үедээ өвлүүлэн үлдээж, иргэн бүрт эх орон, газар шороо, тусгаар тогтнол, Үндэсний аюулгүй байдал, иргэдийн заяагдмал эрхийг хамгаалсанбодлого хэрэгжүүлж, их түүх, соёлын өв, үндэсний үнэт зүйлээ хамгаалах хууль эрх зүйн үндсийг бүрдүүлнэ.


0000004



9. ОРОН НУТГИЙН ХӨГЖЛИЙН БОДЛОГО

Мөрийн хөтөлбөрт 21 аймаг, орон нутгийн бүсчилсэн хөгжлийн чиглэлээр тусгайлан орох заалтуудыг тусгав.

1. НУТГИЙН ӨӨРӨӨ УДИРДАХ ЁСНЫ ЗАРЧМЫГ БЭХЖҮҮЛНЭ

Хүний жам ёсны эрх болсон амьд явах, эрх чөлөөтэй байх, өмчлөх эрхийг эрхэмлэн дээдэлсэн, иргэдийн оролцоотой, цомхон, хяналттай, хариуцлагатай нутгийн өөрөө удирдах ёсны зарчмыг бэхжүүлнэ. Орон нутгийн чанартай аливаа ажлыг нутгийн иргэдийн санал, шийдвэрийн дагуу өөрсдөө хийж чадах бүхнийг нутгийн иргэд, аж ахуйн нэгжүүд гүйцэтгэн хийдэг байх эрх мэдлийг олгоно.

- 1.1 Хүний жам ёсны эрх болсон амьд явах, эрх чөлөөтэй байх, өмчлөх эрхийг эрхэмлэн дээдэлнэ.
- 1.2 Хувь хүний амьд явах суурь нөхцөл болсон эрх чөлөө ба өмчлөх эрхэнд хууль бусар халдахыг зогсооно. Өмчийг зөвхөн нийтийн сайн сайхны төлөө төлбөртэйгөөс бусад нөхцөлөөр хураан авахыг хориглосон эрх зүйн орчин бүрдүүлнэ.
- 1.3 Орон нутгийн чанартай ажлыг иргэдээс санал авсаны үндсэн дээр ямар ажлыг, ямар төсөв хөрөнгөөр, ямар аж ахуйн нэгж, иргэнээр гүйцэтгүүлэхийг шийдвэрлэдэг байх эрх зүйн орчныг бүрдүүлнэ
- 1.4 Орон нутгийн чанартай ажлыг иргэдээс санал авсаны үндсэн дээр гүйцэтгэснээр орон нутгийн аж ахуй нэгжүүд ажилтай, иргэд нь орлоготой, иргэдийн шилжилт хөдөлгөөн багасна
- 1.5 Шийдвэр гаргах түвшинд иргэдийн оролцоог нэмэгдүүлж цомхон, хяналттай, эдийн засгийн хэмнэлттэй ажиллах нөхцөл бүрдүүлнэ.

2. БАЯЛАГИЙН ӨГӨӨЖИЙГ МОНГОЛ ХҮН ХҮРТЭНЭ

Стратегийн ордод тооцогдсоноос бусад орон нутгийн чанартай эрдэс түүхий эд, байгалийн баялаг, ордыг ашиглах, олборлох, бусдад ашиглуулах эрхийг тухайн орон нутгийн иргэдийн олонхийн саналаар шийдвэрлэж байх эрх мэдлийг орон нутгийн иргэдэд олгоно.

- 2.1 Орон нутгийн чанартай эрдэс түүхий эд, байгалийн баялаг, ордыг ашиглах, олборлох, хэрхэн ашиглах эрхийг тухайн орон нутгийн иргэд шийдвэрлэх боломжоор хангах бодлогыг баримталж ажиллана.
- 2.2 Орон нутгийн чанартай эрдэс түүхий эд, байгалийн баялаг, ордыг ашиглах, олборлох үйл ажиллагааг хэнээр гүйцэтгүүлэхээ нутгийн иргэд шийдвэрлэдэг болох эрхзүйн орчныг бүрдүүлнэ
- 2.3 Орон нутгийн чанартай эрдэс түүхий эд, байгалийн баялаг, ордыг ашиглаж, олборлосноос гарах өгөөжийг тухайн орон нутгийн иргэд хүртдэг болох эрхзүйн орчныг бүрдүүлнэ
- 2.4 Нөхөн сэргээлтийн ажлын гүйцэтгэлд тавих иргэдийн хяналтыг сайжруулна
- 2.5 Олборлох үйлдвэрлэлийн ил тод байдлыг нэмэгдүүлж, экспортлож байгаа бүтээгдэхүүнд тавих хяналтыг эрс сайжруулна

3. АЖ ҮЙЛДВЭРИЙН ХУВЬСГАЛ

Байгалийн баялаг, эрдэс түүхий эд, мал, малын гаралтай бүтээгдэхүүн, тэдгээрийн боловсруулалт, үйлдвэрлэл, газар тариалан, эрдэм мэдлэг, оюун ухаанд суурилсан

0000005




бүтээгдэхүүн үйлдвэрлэл үйлчилгээнд төрөөс үзүүлэх дэмжлэгийг нэмэгдүүлж, хиймэл оюун ухаан, техник технологийн дэвшил ашигласан, орон нутагт ажлын байр, ажилчдын цалин хөлс нэмэгдүүлэх, иргэдийн шилжилт хөдөлгөөнийг сааруулсан аж үйлдвэржилтийг бүхий л талаараа дэмжинэ.

- 3.1. Байлагийн баялаг, эрдэс түүхий эдийг боловсруулах, эцсийн бүтээгдэхүүн үйлдвэрлэх бүтээлч санаачлагийг дэмжинэ
- 3.2. Мал, малын гаралтай бүтээгдэхүүн, тэдгээрийн боловсруулалт, үйлдвэрлэлт, чанарыг сайжруулж, гадаад дотоодын зах зээлд гарах боломжийг нэмэгдүүлэхэд дэмжлэг үзүүлнэ.
- 3.3. Мал аж ахуй, газар тариалангийн бүтээгдэхүүн үйлдвэрлэлийн санхүүжилт, хүнсний нөөц, түүхий эдийн баталгаат агуулахын нэгдмэл тогтолцоог бий болгоно
- 3.4. Хүнд аж үйлдвэр, хүнс, хөдөө аж ахуй, барилгын материал, хөнгөн үйлдвэрлэлийг хөгжүүлж, АНУ, ХБНГУ, БНСУ, Япон улс зэрэг улсын технологи, евро стандартыг нутагшуулах эрхзүйн орчныг бүрдүүлнэ
- 3.5. Байгаль орчинд ээлтэй, эрчим хүчний хэмнэлттэй, ухаалаг тээвэр, ложистик, үйлдвэрлэлийг дэмжинэ.
- 3.6. Орон нутгийн аж ахуйн нэгжүүдийг нээлттэй хувьцаат компани болохыг дэмжих бодлого баримтална.
- 3.7. Үндэсний брэндийн бүтээгдэхүүн үйлдвэрлэх хоршиж ажиллах (кластер) тогтолцоог бий болгоно.
- 3.8. Хүнсний үйлдвэрлэлийн өрсөлдөх чадварыг дээшлүүлэн, хүнсний суурь хэрэгцээг дотоодоосоо хангах боломжийг бизнес эрхлэгчдэд нээж, органик, эко хүнсний экспортыг нэмэгдүүлнэ.
- 3.9. Технологи, инновацийг хөгжүүлж, шинжлэх ухаан, технологийн судалгаа, туршин нэвтрүүлэх санхүүжилтийг оновчтой болгоно.

4. МАЛ АЖ АХУЙ- ГАЗАР ТАРИАЛАН

Мал аж ахуйн талаар төрөөс баримтлах бодлогыг дэмжин ажиллах, малын гаралтай бүтээгдэхүүн болох мах, сүү, цагаан идээ боловсруулах нэмүү өртөг шингэсэн бүтээгдэхүүн үйлдвэрлэлийг дэмжих, газар тариаланг хөгжүүлэхэд зайлшгүй шаардлагатай услагааны системийг нэмэгдүүлнэ.

- 4.1 Арьс шир, ноос, ноолуур, дайвар бүтээгдэхүүний боловсруулалтыг 70-аас доошгүй хувьд хүргэх, үнэ цэнийг нэмэгдүүлэх бодлогыг баримтална.
- 4.2 Мал сүргийн тоо, төрлийн зохистой харьцааг бүрдүүлэх, бэлчээр хамгаалахад чиглэсэн малын хөлийн татварын шаталсан, ялгавартай татвар тогтоох эрхийг орон нутгийн иргэд, иргэдийн хуралд өгнө.
- 4.3 Мал эмнэлгийн олон улсын жишигт нийцсэн үндэсний тогтолцоог бий болгох, малын эрүүл мэнд, удмын санг сайжруулах бодлогыг баримтална.
- 4.4 Малчдын орлогын эх үүсвэрийг тодорхой болгож малчин өрх бүр үйлдвэрлэл эрхлэх боломж олгоно.
- 4.5 Уур амьсгалын өөрчлөлтөд дасан зохицсон мал аж ахуй, бэлчээр ашиглалтын бодлого боловсруулж хэрэгжүүлнэ.


0000006



- 4.6 Мах, махан бүтээгдэхүүний экспортыг төрөөс нэгдсэн бодлогоор зохицуулж зөвхөн дотоодын зах зээлийг хангасны дараа экспортлох бодлогыг хэрэгжүүлнэ.
- 4.7 Нарийн, нарийн ноост хонь, мах, сүүний чиглэлийн үхэр гэх мэт өндөр ашиг, шимт мал сүргийн бүтцийг хөгжүүлж, монгол орны уур амьсгалд зохицсон үүлдрийг нутагшуулах бодлого баримтална.
- 4.8 Газар тариаланг хөгжүүлэх зорилгоор усалгааны систем барьж усалгаатай тариалангийн талбайг нэмэгдүүлэхэд дэмжлэг үзүүлнэ
- 4.9 Хүн амын хэрэгцээг эрүүл баталгаатай хүнсээр хангах дотоодын хэрэгцээнд нийлүүлж байгаа махны 50 хувь, сүүний 60 хүртэл хувийг үйлдвэрлэлийн аргаар боловсруулдаг болно.
- 4.10 Генийн өөрчлөлттэй бүтээгдэхүүний үйлдвэрлэл, импортыг үе шаттайгаар хориглон экологийн цэвэр, эрүүл хүнсний хэрэглээг дэмжинэ.
- 4.11 Хүнсний гол нэрийн төрлийн бүтээгдэхүүний найдвартай хангамжийг тогтмол нэмэгдүүлнэ. Баталгаат хүнсний аюулгүйн нөөцийн улсын болон бүс нутгийн агуулахын систем байгуулахыг дэмжинэ.

5. БҮСЧИЛСЭН ХӨГЖИЛ-АЯЛАЛ ЖУУЛЧЛАЛ

Монгол улсын түүх, соёл, үндэсний өв уламжлал, нүүдэлчин ахуйн ёс заншил, байгалийн үзэсгэлэнт газруудыг гадаад дотоодын жуулчдад таниулах, дөрвөн улирлын аялал жуулчлалыг Алтайн бүс, баруун бүс, хангайн бүс, төвийн бүсийн онцлогт тохируулан хөгжүүлэхэд бүс хоорондын уялдаа холбоо, хамтын ажиллагааг сайжруулна.

- 5.1. Монгол улсын түүх, соёл, үндэсний өв уламжлал, нүүдэлчин ахуйн ёс заншилд тулгуурласан аялал жуулчлалыг хөгжүүлнэ
- 5.2. “Монголдоо аялцгаая” хөдөлгөөнийг Алтайн бүс, баруун бүс, хангайн бүс, төвийн бүсийн онцлогт тохируулан өрнүүлнэ
- 5.3. Аялал жуулчлалыг дөрвөн улирлын онцлогт тохируулан хөгжүүлэх бодлого баримтална
- 5.4. Гадаад дотоодын аялал жуулчлалыг нутгийн иргэдийн ахуй амьдрал, нүүдэлчин соёлыг таниулах жуулчлалыг хөгжүүлнэ

6. МОНГОЛ ТӨРИЙН ҮНДЭС – ХҮЧИРХЭГ МОНГОЛ ГЭР БҮЛ

Төр улсын үндэс - монгол өрх, гэр бүлийг ирээдүйдээ итгэлтэй, амар амгалан амьдрах нөхцөлийг бүрдүүлэх зорилгоор иргэн бүрийг эрүүл мэнд, боловсрол, нийгмийн хамгааллын чанартай, хүртээмжтэй үйлчилгээнд хамруулна. Хүүхэд бүрт чанартай, тэгш, хүртээмжтэй боловсролыг олгохын тулд багш нарын чадавх, цалин хангамжийг сайжруулан “Хамгийн сайн сургууль бол гэртээ хамгийн ойр сургууль” хөтөлбөр хэрэгжүүлнэ.

- 6.1. Хүүхдийг сургуулийн орчинд хамгаалах зорилгоор сургууль бүрийн дэргэд багш, сурган хүмүүжүүлэгчээс гадна сургуулийн цагдаа, эмч, сэтгэл зүйч, хоол зүйч, эцэг, эхийн хороог байгуулж хүүхдийг бүх талаар хамгаалах бодлогыг дэмжинэ.

0000007



- 6.2. Ерөнхий боловсролын сургуулийн сургалтын чанарыг сайжруулж сургалтын нэг стандартаар суралцах боломжийг хангана
- 6.3. Ирээдүйн иргэдийг төлөвшүүлж сургаж байгаа багш нарын цалин хангамжийг нэмэгдүүлэх бодлогыг баримталж ажиллана.
- 6.4. “Хамгийн сайн сургууль бол гэртээ хамгийн ойр сургууль” хөтөлбөр хэрэгжүүлнэ.
- 6.5. Гэр бүлийн бодлогыг шинэчлэх замаар гэр бүлийн эрүүл мэнд, боловсрол, эмэгтэйчүүд, залуучууд, ахмадын асуудлыг цогцоор нь шийдвэрлэнэ.
- 6.6. Нийгмийн хамгааллын үйлчилгээг ядуу, эмзэг бүлгүүдэд оновчтой, эрх тэгш хүртээх бодлогыг баримтална.

7. ХӨГЖЛИЙН БЭРХШЭЭЛТЭЙ ИРГЭДИЙН ЭРХИЙГ ХАМГААЛАХ

Хөгжлийн бэрхшээлтэй иргэдийн нийгэмд эзлэх байр суурийг нэмэгдүүлэх, тэдэнд үзүүлэх нийгэм, эрүүл мэндийн үйлчилгээг сайжрууна

- 7.1. Хөгжлийн бэрхшээлтэй иргэдийн аж ахуй эрхлэх, сурч боловсрох, хөдөлмөр эрхлэлтийг дэмжих бодлого хэрэгжүүлнэ.
- 7.2. Хөгжлийн бэрхшээлтэй иргэдийг биеийн тамир, спортоор хичээллэх боломж нөхцөлөөр хангах бодлого баримтална.
- 7.3. Нийтийн тээврийн үйлчилгээнд явж буй автобус, төрийн болон олон нийтийн байгууллагуудын орц, гарцыг ХБИ-д ээлтэй байх боломжийг нэмэгдүүлнэ
- 7.4. ХБИ-ийн эрүүл мэндийн үйлчилгээг харьяалал харгалзахгүй болгоно.
- 7.5. Хөгжлийн бэрхшээлтэй суралцагчидтай ажиллах багш нарыг дэмжиж ажиллах бодлогыг баримтална


8. ҮНДЭСНИЙ ЭРХ АШИГ, ОЮУН САНААНЫ СЭРГЭЛТ

Үндэсний өв уламжлал, ёс заншил, түүхэнд шингэсэн мэдлэгээ хүүхэд залуус, хойч үедээ өвлүүлэн үлдээж, иргэн бүрт эх орон, газар шороо, тусгаар тогтнол, Үндэсний аюулгүй байдал, иргэдийн заяагдмал эрхийг хамгаалсан бодлого хэрэгжүүлж, их түүх, соёлын өв, үндэсний үнэт зүйлээ хамгаалах хууль эрх зүйн үндсийг бүрдүүлнэ.

- 8.1. Сурах бичгийг үндэсний аюулгүй байдлын бодлогын түвшинд боловсруулж, Үндэсний өв уламжлал, ёс заншлыг хүүхэд залуучуудад таниулна
- 8.2. Хүүхэд залуус, иргэн бүрт эх орон, газар шороо, тусгаар тогтнол, Үндэсний аюулгүй байдал ач холбогдлыг ойлгуулах соён гэгээрүүлэх ажлыг дэмжинэ
- 8.3. Иргэдийн заяагдмал эрх болох үг хэлэх, үзэл бодлоо чөлөөтэй илэрхийлэх, амьдран суух газраа чөлөөтэй сонгох эрхийг хамгаална

ЕС. БАЯНХОНГОР

1. Баянхонгор, Арвайхээр, Цэцэрлэг хотуудын чиг үүргийг зааглан хуваарилж, хотын хөгжлийг хамтран дэмжих
2. Эрчимжсэн МАА-г аймгийн төвийн ойролцоо Алтай, Арвайхээр хот орох зам дагуу байршуулах


0000008



3. Халуун рашаан, арвин их эмийн ургамал дээр түшиглэн эрүүл мэндийн аялал жуулчлалыг дэмжих
4. Эмийн ургамлын иж бүрэн судалгаа хийх, ирээдүйтэй төрөл, зүйлүүдийг сонгох, брэнд хөгжүүлэлт хийх, сурталчлах зорилгоор судалгааны төв байгуулах
5. МАА-н бүтээгдэхүүн, жимс жимсгэнэ, эмийн ургамлыг боловсруулах орон нутгийн жижиг дунд үйлдвэрлэлийн бүтээгдэхүүний нэр төрлийг олшруулах
6. Говийн бүсэд сэргээгдэх эрчим хүч үйлдвэрлэх ажлын хүрээнд орон нутгийн сэргээгдэх эрчим хүчний боломжуудыг ашиглах



Handwritten signatures and a red stamp with the number 0000009.

